

منطقه‌نی بحران بورویندن بو یانا تروریستی گروه‌لار اؤز بیانیه و خبرلرینی منتشر ائله‌ماق اوچون ارتباطی وسایلدن وسیع صورته استفاده ائیلرلر. اخیر آیلاردا دا النصره و داعش گروه‌لاری بو وسایلدن مخصوصاً فیسبوک و توئیتر کیمی اینترنئده اولان اجتماعی شبکه‌لردن تصویرلرینی و خبرلرینی داغیتماقدا استفاده ائیلرلر. و جالب بوراسیدیر کی بو تروریستی گروه‌لار بو شبکه‌لردن دایمی و رسمی صفحه‌لره صاحب‌دیلر و بو صفحه‌لر شبکه مسئول‌لاری طرفیندن باغلانمیر.



منطقه‌نی بحران بورویندن بو یانا تروریستی گروه‌لار اؤز بیانیه و خبرلرینی منتشر ائله‌ماق اوچون ارتباطی وسایلدن وسیع صورته استفاده ائیلرلر. اخیر آیلاردا دا النصره و داعش گروه‌لاری بو وسایلدن مخصوصاً فیسبوک و توئیتر کیمی اینترنئده اولان اجتماعی شبکه‌لردن تصویرلرینی و خبرلرینی داغیتماقدا استفاده ائیلرلر. و جالب بوراسیدیر کی بو تروریستی گروه‌لار بو شبکه‌لردن دایمی و رسمی صفحه‌لره صاحب‌دیلر و بو صفحه‌لر شبکه مسئول‌لاری طرفیندن باغلانمیر.

دکتر دیوید ابراهیم لبنانین العهد ساتی اینن دانشیقدا بو ایشین چتین اولدوغونو دئییر. اونون دئدیغینا گؤره، بو شبکه‌لرده حساب آچماق چوخ راحت ایشدیر و بیر ساعتدن آز زمان آپاریر و بو صفحه‌لر ده یارانماق اوچون شبکه دولان‌دیرانلارین تأییدینه احتیاجی یوخدور.

شبکه دولان‌دیرانلاری متعادل دینی صفحه‌لرینن افراطی سایت‌لاری بیر بیریندن سئچنمیرلر. اونلار عمومینده تکفیری جریانلارینان نورمال اسلامی جریانلاری آراسیندا فرق قویانمیرلار. اونلارین هر ایکی دسته‌نین عین آدلار و اصطلاحلاردان استفاده ائله‌دیغینی گؤرورلر و اونلارین آراسینداکی تفسیر فرقلرینی سئچه بیلیرلر.

آیری طرفدن تروریستی صفحه‌لرین ظاهر دَییشمه‌لری، اونلارین تعقیبینی داها دا چتینلشدیریر. اونلار ظاهر دَییشماغینان چوخ راحت صورته تروریستلرین سؤزلرینی منتشر ائیلرلر.

تکفیری گروه‌لار هزینه‌سی اولمایان و هئج تجهیزاتا احتیاجی اولمایان اجتماعی شبکه‌لردن لاپ یاخجی صورته استفاده ائیلرلر. اونلار بو شبکه‌لردن تبلیغاتی کانال و حتی منبر کیمی جامعه‌نین بوتون عضولری و حتی اونلارینان تک به تک دانشماق اوچون استفاده ائیلرلر.